

**CONVENIO DE COLABORACIÓN ENTRE O CONCELLO DE CARBALLO E O CLUB ATLETISMO CARBALLO (CIF G70386248), CORRESPONDENTE Á SUBVENCIÓN NOMINATIVA OUTORGADA PARA FINACIAR A REALIZACIÓN DA ACTIVIDADE “CARREIRA DE 2 EN 2”**

En Carballo, o 8 de abril de 2016, REUNIDOS D. Evencio Ferrero Rodríguez (DNI nº \_\_\_\_\_), Alcalde do Concello de Carballo, e Dna. María Ascensión Vázquez Bertoa (DNI nº \_\_\_\_\_) Presidenta do Club Atletismo Carballo, MANIFESTAN

Que ambas partes se recoñecen plena capacidade para otorgar o presente convenio.

Que o Concello de Carballo considera a colaboura co Asociacionismo Deportivo como pilar básico para acadar un sistema deportivo participativo, amplo e diversificado.

Que Atletismo Carballo é unha asociación deportiva sen ánimo de lucro, inscrita no Rexistro de Asociacións Deportivas de Galicia con nº C11726 e no Rexistro Municipal de Asociacións co número 065, e que promove actividade relacionada ca modalidade deportiva do atletismo maioritariamente dirixida a idades infantís e xuvenís no ámbito do Concello de Carballo.

En función das consideracións expostas, o Concello de Carballo e o Club Atletismo Carballo, coa finalidade de determinar as condicións da súa colaboura, acordan formalizar o presente convenio de colaboración, dacordo cas seguintes CLÁUSULAS

**I.- Obxecto.**


O presente convenio ten por obxecto establecer as bases da colaboura entre o Concello de Carballo e o Club Atletismo Carballo para financiar a realización do evento “De 2 en 2”.

Este consiste nunha carreira a pé, dirixida a persoas nadas a partir de 2012, a celebrarse polas rúas do núcleo urbán do concello o día 9 de abril, e con inscrición gratuita, segundo o proxecto anexo realizado por Club Atletismo Carballo.

**II.- Orzamento de gastos da actividade a realizar pola entidade beneficiaria.**

O Club Atletismo Carballo desenvolverá as actividades programadas, segundo o definido na cláusula anterior, conforme ó seguinte orzamento:

CONCEPTO	IMPORTE
Cronometraxe, megafonía e control técnico da F.G.A.	1.305,00 €
Trofeos.	1.020,00 €
Varios (Material de sinalización, material oficina, etc.)	175,00 €
<b>TOTAL</b>	<b>2.500,00 €</b>



Na execución do orzamento poderase modificar a cuantía aplicada a cada concepto de gasto en función das propias necesidades de execución da actividade subvencionada, se ben se deberán respectar os conceptos de gasto definidos no mesmo.

### **III.- Financiación do Concello de Carballo e outros ingresos que se obtían ou aporten para a mesma finalidade.**

1. O Concello de Carballo contribuirá á financiación da actividade, tal como se define na cláusula primeira, con una aportación máxima de 2.500 €, o que representa unha porcentaxe máxima do 100%, debido ó interese social da actividade que vai dirixida a idades infantís, xuvenís, adultos e maiores e ó carácter gratuito e fin solidario da mesma.

En caso de que o gasto xustificado non acadara o importe total previsto na cláusula segunda, o Concello de Carballo só aportará o importe que represente o 100% da cantidade efectivamente xustificada.

O importe de la financiación municipal farase efectivo con cargo á aplicación orzamentaria 3410.4890001, na que a Intervención municipal certificou que existe crédito suficiente sobre a que se contabilizou a correspondente retención de crédito.

2. A subvención do Concello de Carballo é compatible ca percepción de outras subvencións ou axudas, públicas o privadas, que a entidade beneficiaria obteña para a mesma finalidade, sempre que o seu importe, xunto co da subvención municipal, non supere en ningún caso o importe total do gasto efectivamente xustificado.

3. Non obstante, no caso de que a concurrencia de axudas ou subvencións supere o importe do gasto efectivamente xustificado, minorarase a aportación municipal no importe necesario para darlle estricto cumprimento ó apartado anterior.

### **IV.- Obrigas derivadas da execución e Contratación da execución.**

1. É obriga do organizador "Atletismo Carballo" cumprir co esixido na regulamentación de Seguridade Vial do Estado e da Comunidade Autónoma de Galicia, que establece os requisitos esixidos para a celebración de probas deportivas na vía urbana (Real Decreto 1428/2003 do 21 de novembro, publicado no BOE nº 306 do 23 de decembro de 2003 sobre a ocupación da vía pública; e o Real Decreto 849/1993 do 4 de xuño de 2003, sobre a contratación do seguro de responsabilidade civil e accidentes); e previo á celebración do evento deberá obter a autorización do Concello de Carballo para celebrar a proba, xa que se desenvolve íntegramente no casco urbano.


2. O outorgamento dos contratos de servizos, asistencia ou suministros necesarios para a execución da actividade corresponderalle ó Club Atletismo Carballo. Non se poderá contratar a realización de prestacións con personas ou entidades vinculadas, nen con cualquera outra na que concurra algunha das circunstancias ás que se refire o artigo 29.7 da Ley 38/2003, del 17 de noviembre, General de Subvenciones.

3. No caso de que o Club Atletismo Carballo tramite e aprobe algunha modificación do proxecto inicialmente aprobado, así como do contrato adxudicado, deberá remitirle ó Concello de Carballo un exemplar do proxecto modificado.

### **V.- Publicidade e financiación municipal.**

1. Na publicidade pola que se dé a coñecer a realización das actividades subvencionadas, xa sexa por medios escritos, radiofónicos, audiovisuais ou Internet, deberase facer constar a financiación do Concello de Carballo.

2. Así, no caso de medios radiofónicos, megafonín, etc incluírase a frase "financiado polo Concello de Carballo", e nos restantes figurarán en lugar visible e destacado os logotipos do Concello de Carballo e de Carballo Deporte.



3. Ca memoria e conta xustificativa adxuntaranse documentos que acrediten o cumprimento desta obriga por parte de Atletismo Carballo.

#### **VI.- Xustificación necesaria para recibir a aportación municipal.**

A aportación do Concello de Carballo seralle abonada ó Club Atletismo Carballo unha vez que se presente a seguinte documentación:

.- Memoria de actuación suscrita polo representante legal do Club Atletismo Carballo, xustificativa do cumprimento das condicións impostas no presente convenio, coa indicación das actividades realizadas e dos resultados obtidos.

.- Relación clasificada dos gastos realizados, na que se indiquen os acreedores co seu NIF, os documentos xustificativos, os importes (con IVE e sen IVE) e, no seu caso, datas de pago. Tamén se indicarán as desviacións con respecto ó orzamento detallado na cláusula segunda.

.- Con esta relación adxuntaranse os orixinais ou copias debidamente compulsadas das facturas e xustificantes de gasto, que deberán estar comprendidas entre o 1 de xanerio e o 31 de decembro de 2016.

.- No caso de que se presenten copias compulsadas, con carácter previo á compulsada deberá extenderse unha dilixencia sobre o original na que se deixe constancia de que foi presentada como justificante de gasto para o cobro dunha subvención otorgada polo Concello de Carballo.

.- Acreditación do cumprimento das obrigas tributarias e coa Seguridade Social, segundo o previsto na cláusula octava.

.- Declaración de outras axudas ou subvencións solicitadas ou concedidas para a mesma finalidade.

.- Certificación da conta bancaria.

.- Proba do cumprimento das obrigas asumidas na cláusula quinta, mediante a aportación de documentos nos que conste a publicidade da financiación do Concello de Carballo.

#### **VII.- Prazo para a realización da actividade e prazo de xustificación.**

1. As actividades que son obxecto de financiación municipal, tal como están descritas na cláusula primeira rematarán o día 9 de abril de 2016.


2. Unha vez rematadas as actividades, o Club Atletismo Carballo deberá presentar a xustificación documental á que se refire a cláusula sexta antes do 30 de maio de 2016.

3. De conformidade con disposto no artigo 70.3 do Regulamento da Ley de Subvenciones (Real decreto 887/2006, del 21 de julio), transcurrido este último prazo sin que se recibira xustificación algunha, a unidade xestora remitiralle un requerimento ó Club Atletismo Carballo para que a presente no prazo improrrogable de QUINCE DÍAS. A falla de xustificación da subvención neste prazo excepcional dará lugar á perda da subvención e demais responsabilidades previstas neste convenio e na lexislación aplicable ó respecto.

4. O abono da subvención materializarase mediante ingreso na conta da entidade financeira indicada polo Club Atletismo Carballo na documentación aportada.

#### **VIII.- Cumprimento das obrigas tributarias e coa Seguridade Social e a súa acreditación.**

1. O Club Atletismo Carballo deberá estar ó día, con carácter previo á sinatura deste convenio, e posteriormente, con carácter previo ó pago da subvención, no cumprimento das obrigas tributarias ca Administración do Estado, ca Comunidade Autónoma, co Concello de Carballo e coa Seguridade Social.



2. A acreditación do cumprimento de ditas obrigas poderá realizarse mediante a presentación dos correspondentes certificados ou autorizando ó Concello de Carballo a que obteña telemáticamente os correspondentes certificados.

3. A acreditación do cumprimento das obrigas tributarias co Concello de Carballo determinaranse por este de oficio.

#### **IX.- Destino e manexo dos fondos recibidos.**

1. O Club Atletismo Carballo destinará os fondos recibidos ó pago dos xustificantes de gasto presentados.

2. Co fin de garantir un adecuado control da aplicación dos fondos, o pago deberá quedar acreditado documentalmente mediante a utilización de transferencia bancaria, tarxeta de débito o crédito, cheque nominativo ou calquera outro medio que deixe constancia da data de pago e da identidade do perceptor. Só se poderá realizar o pago en metálico para gastos de hasta 300,00€ nos que no resulte posible la utilización de uno de los medios anteriormente indicados.

3. O Club Atletismo Carballo deberá contar con un rexistro cronolóxico de cobros e pagos nos que se inclúan, entre outros, os relativos ós gastos xustificados e ós ingresos declarados con respecto a esta subvención.

#### **X.- Control financeiro do Concello de Carballo e dos órganos de control externo.**

1. De acordo co desposto na Lei 6/1985, de 24 de xuño do Consello de Contas de Galicia, o club Atletismo Carballo queda sometido ós procedementos de fiscalización que leve a cabo o Consello de Contas de Galicia ou, no seu caso, segundo o desposto na Ley orgánica 2/1982, del 12 de mayo, ós procedementos de exuizamento contable que poida incoar o Tribunal de Contas, e a calquera outro órgano de control, nacional o europeo.

#### **XI.- Reintegro, infraccións e sancións.**


1. O incumprimento dalgunha das cláusulas previstas no presente convenio de colaboración poderá dar lugar á obriga de reintegro parcial ou total dos fondos recibidos, así como ó pago dos intereses de demora que se devenguen dende o día no que se realizou o pago ate o momento en que se acorde a procedencia do reintegro.

2. Se perxuízo do anterior, dito incumprimento tamén poderá ser constitutivo dalgunha das infraccións tipificadas na Ley 38/2003, del 17 de noviembre, ou na Lei 9/2007, do 13 de xuño, de Subvencións de Galicia, séndolle de aplicación o cadro de sancións previstas nas normas citadas.

3. Se se produce retraso no prazo de xustificación e non excede de un mes, a sanción prevista na lei imporase no grao mínimo e será do 10 por 100 do importe da subvención outorgada co límite de 75,00€. Se excede dun mes e non chega a tres, a sanción imporase no seu grao medio e será do 20 por cento do importe da subvención outorgada co límite de 400,00€, e se a extemporaneidade da xustificación excede de tres meses, a sanción se impondrá no seu grao máximo e suporá o 30 por 100 do importe da subvención, sen que poida superar o importe de 900,00€.

#### **XII.- Incorporación ó rexistro público de subvencións e publicación da subvención concedida.**

1. No cumprimento do disposto no artigo 18.2 da Ley 38/2003, general de subvenciones, e demais normativa de desarrollo, o Concello de Carballo remitirá a Base de Datos Nacional de Subvenciones información sobre a concesión desta subvención a "Atletismo Carballo".



2. Simultaneamente, no cumprimento do desposto no artigo 16.3 da Lei 9/2007, do 13 de xuño, de Subvencións de Galicia, o Concello de Carballo remitiralle a mesma información á Consellería de Economía e Facenda, co fin de que a incorpore ó Rexistro público de axudas, subvencións e convenios da Comunidade Autónoma de Galicia.

### **XIII.- Vixencia do convenio, prórroga ou modificación.**

1.- O prazo de vixencia do presente convenio rematará o 31 de decembro de 2016.

### **XIV.- Natureza, interpretación, modificación e xurisdicción competente.**

1. O presente convenio ten natureza administrativa e para resolver as dúbidas que xurdan na interpretación das súas cláusulas aplicaranse as disposicións contidas na Ley 38/2003, del 18 de noviembre, General de Subvenciones, e na Lei 9/2007, do 13 de xuño, de Subvencións de Galicia. Supletoriamente aplicarase a lexislación de contratos do sector público.


2. Para o seguemento coordinado da execución do presente convenio crearase uha comisión de seguemento formada polo Concelleiro delegado de Deporte e Cultura e o Xefe do Servizo de Deportes e Xuventude do Concello de Carballo e dous representantes do Club Atletismo Carballo nomeados polo seu Presidente.

3. Corresponderalle ós órganos da xurisdicción contencioso-administrativa, segudo a distribución de competencias desposta na Lei 29/1998, do 13 de xullo, reguladora desa xurisdicción, o coñecemento das cuestións litigosas que poida xurdir a consecuencia do presente convenio.

Faise constar que o presente convenio foi aprobado por acordo da Xunta de Goberno Local, do Concello de Carballo, na sesión do 28 de marzo de 2016.

E en proba de conformidade asinan por cuadruplicado exemplar do presente convenio en lugar e data indicados no encabezamento.

Evencio Ferreiro Rodríguez



María Ascensión Vázquez Bertoa

Presidenta do Club Atletismo Carballo

